

又從而刻其膏血有人心者而尚忍為之乎今遠  
近軍民號呼匍匐訴告喧騰求 朝廷出帑藏以  
賑濟久而未獲反有追征之令閔然興怨謂臣等  
昔日蠲賦之言為詒已竊相傷嗟謂宸濠叛逆獨  
知優免租稅以要人心我輩 朝廷赤子皆嘗竭  
骨髓出死力以勤 國難今困窮已極獨不蒙少  
加優恤又從而追征之將何以自全是以令之而  
益不信撫之而益憤憤諭之而益呶呶甫懷收復  
之望又為流徙之圖計窮勢迫匿而為奸肆而為